

22 mahasiswa USIM lawat ke Australia

SEREMBAN 15 Sept. - Bagi melihat perkembangan dan dakwah Islam di Australia, seramai 22 orang Fakulti Pengajian Quran Dan Sunnah, Universiti Sains Islam Malaysia (USIM) telah mengadakan program Global Islamic Student Outreach (GISO) ke Sydney Ogos lalu.

Program selama tujuh hari bermula 20 Ogos lalu bertujuan bagi memberi pengalaman serta bertukar pandangan ilmiah selain melaksanakan aktiviti kemasyarakatan di peringkat antarabangsa.

Menurut pengarah program, Muhammad Solehan Fahmi Zulkapli, bumi Sydney memperlihatkan kepada mereka perbezaan budaya antara Malaysia dan Australia dari aspek kebersihan, disiplin, budi bahasa dan kekuatan masyarakat Islam di sana.

"Malah apa yang menarik, masyarakat di sana berjaya mengembangkan Islam dengan strategi yang unik, antaranya penubuhan Pertubuhan Muslim Australia (UMA) untuk menarik penduduk di sana.

Tambahan pula mahasiswa turut mendekati dan menyantuni gelandangan di sekitar Sydney yang rata-rata bukan penduduk tetap di sana dan juga bukan beragama Islam, di samping memberi sumbangan kepada mereka."

MUHAMMAD SOLEHAN FAHMI ZULKAPLI
Pengarah program

"Tambahan pula mahasiswa turut mendekati dan menyantuni

gelandangan di sekitar Sydney yang rata-rata bukan penduduk tetap di sana dan juga bukan beragama Islam, di samping memberi sumbangan kepada mereka," katanya di sini baru-baru ini.

Jelas beliau, antara program yang turut dilakukan di sana termasuklah melakukan kunjungan ke pejabat Mufti Australia, UMA, selain Pusat Keperluan Khas Al Fitra selain pusat pengembagan Braille al Quran.

Sementara itu, Timbalan Dekan Pembangunan Pelajar dan Penguurusan Prestasi Fakulti Pengajian Quran dan Sunnah, Prof. Madya Dr. Mohd. Fauzi Mohd. Amin menjelaskan program tersebut berjaya membina hubungan dan kerjasama yang baik.

"Malah secara tidak langsung, program ini memberi pengalaman dan pengajaran yang terbaik kepada semua peserta dalam kalangan pelajar untuk dipraktikkan sebagai seorang Muslim khususnya dan mahasiswa USIM umumnya," katanya.



SEBAHAGIAN pelajar Fakulti Pengajian Quran Dan Sunnah USIM menyertai program Global Islamic Student Outreach di Sydney, baru-baru ini.